



Universitätsbibliothek Paderborn

Asiaticae Historiae Societatis Iesv Pars ...

Libris Qvatvor Conseqventibvs Pertexens, Quae post beatum S. Xauerij
Obitum Soc. Patres ad Dei gloriam in iisdem Prouinciis gessere

Bartoli, Daniello

Lvgdvni, 1667

40. Constit. Societ. in India promulgat Quadrius: quanta Goæ tunc Patrum
virtus.

urn:nbn:de:hbz:466:1-11445

amena in insula receptu & cibi copia miserationem fletumque omnibus cientes : sed erat, trium Patrum ex morte , singularis dolor , & latè per Indiam ; postea per Lusitaniam apud Ioannem tertium eiusque Aulam, commendatio eorum luculenta ; vt qui se vltro extremis omnibus & morti , pro aliena salute deuouissent. Apud nostros vero tam viuax eorum memoria , vt quinquennio post Baltazarem Gagum, suo ex Iaponia reditu iisdem calibus deprehensum , nihil æque animarit ad vectorum salutem anteponendam vitæ quam nauis Praefectus seruandam illi deferebat, vt fraterna horum trium imitatio, & exemplum.

Goæ nunc pedem tantisper figamus , tum attinentibus ad eam insulis, inspecturi primum domi nostra ; post foris ab anno 1571. animorum bono ab nostris bene gesta ; inde lustrabimus loca Indiæ cetera quibus excolendis Societas suos operarios sparserat. Regebat tunc Indias (quod hic necessario præmittendum ad distinctiorem notitiam rerum , & temporum) regebat inquam ab anno 1550. in triennium consequens Alfon-sus Norognia , qui primus ex Gubernatore , Proregis honore & titulo auctus est, huic mense Septembri anno 51. successit Petrus Mascaregnia, cui paucis mensibus defuncto , subrogatus est Franc. Barretus , ad hoc pridem arcano Regis chirographo designatus. Et successorem accepit è Lusitania Constantinum Bragantinum , quo nullum India vel fideliorem Lusitanicæ coronæ , vel addiætiorem religioni sacrofanæ multis retro annis & deinceps vidit. Huc anno sæculi 61. gubernationis defunctū munere excepit Joannes de Mendoza, rexique a Februario ad Septembrem 64. inde ad 68. Antonius Norognia , demumque Ludouicus Ataides ad 71. Sic enim illorum tempora dixerunt Goani archiuij annuæ tabulæ, quicquid secus nonnulli senserint. Iam Societatis administratio , post transcriptum cœlo Xauerium anno 1552. cum primus illâ in India Provincialis titulo rexisset, decimoque post mense Berzeum, cui suas vices commiserat , ad Melchiorem Nunnium deuenit , qui profecturus in Iaponiam , Baltazarem Diaz suo loco suffecit , sed factum id minus legitime cum Patres censerent communis consensu , partim coram, partim per litteras anni 55. Ianuar. Calendis Antonium Quadrium Prouincialem sibi delegerunt ; quo illum onere Septembri proximo leuauit Gonzalus Sylueira ex Europa in Indiam ab S. Ignatio ad hoc missus , cui Antonius Quadrius , Iacobi Lainij Generalis delectu suffecitus , anno 59. Prouincia recepit curam , gessitque tum solus , tum Gonzalo Aluarez collega, qui primus anno 1568. Inspector Prouinciae Indicæ dictus est. Horum porro annorum patio navigationibus tredecim , in Orientem ex Lusitania transiere de nostris ad septuaginta; ortu & patria diuersi ; instinctu & spiritu i. sde quibus ex Europa in Asiam, alij ad populos infideles Christi iugo subdendos ; alij ad sortem Martyrij terbeatam ; omnes ad laborem perpassiones , & pretiosas ætumnas apostolici munera agebantur.

Goam Quadrio vt venit nihil fuit antiquius quam vt Collegij Partibus interpretaretur Constitutiones S. Ignatij aliquanto prius nostris in Europa promulgatas , illuc vero tunc primum per eum missas vt eas

39.
Proreges &
Prouinc. In-
diæ ad ann.
1571.

40.
Constit. So-
ciæ in India
promulgat
Quadrius :
quanta Goæ
tunc Patrum
virtus.

Z 3 expone

exponeret, & in usum moresque induceret, & expectabatur cupide hora illa qua in odaeum ædis sacræ quotidie conueniebant auditiuri; vi-debanturque sibi legem nouam, non Roma missam, sed celo laplam accipere. Eò enim usque, præscriptis fere partim ex Generalibus vixerant, quæ rudimentum quoddam erant formandarum constitutionum, partim ex impressione illius spiritus qui ab SS. Fundatore transfusus in primos illius socios ab iis propagabatur in sequentes: verum ut solent generosa semina quantum suo ab ortu discedunt longius, tantum ab tua præstantia defteri, & doctæ manus archetypos prout communicatio multiplici ex uno in alia exemplaria deriuatur, ita sensim fit pietura sequens antecedente deterior, donec tandem à primo desciscat penitus, nihilque iam prorsus de illo retineat. Sic et si nihil erat quod lociorum deformaret vitam, erat quod variam faceret, nec sibi ubique in omnibus similem; suos enim quisque illorum qui præerant, ex priuatae sue virtutis ingenio rexerat; tunc vero certum, atque immobilem viuendi canonem, & agendi quoad sui perfectam aliorumque absolutionem gaudebant Constitutionibus dictatum, & eo prouisus in consuetudinem stabilem breui exierunt, quod ad inductionem præceptorum accedebat exempli vis efficax; junioribus certatim, prouectiores ætate & Ordine ad sui victoriam in omni virtutum palæsta æmulantibus. Dabatur quotidie sua meditationi sesquihora, nec usum Quadrario breuior posse iis locis sufficere in quibus, ut ait celi mollities emascularer vigorem animi, & eneruerat spiritum pietatis: altera item quotidie hora piis colloquiis attribuebatur quibus interdum ad diuina incalcebant ardentiùs quam prolixa meditatione, notaturque illud singulare, ex primorum Patrum narratis virtutibus præcipuum fructum constitisse, ad hoc enim solebant, gesta illorum egregia, per Societatem viuercsam, ex instituto Sancti Ignatij, annuis litteris transmitti feruebat spontanea corporis afflictatio, & coercitio interiorum motuum aspera eaque continua. E schola qui dabant litteris operam, ad humilia pergere culinæ opera, & quod natu, & ingenio nobiles, eo præ aliis lese abiecere, prodire bini terniue mendicatum per yrbum, vel ad fores sacrarum ædium, ibique more mendicabolorum quæ corrogauerant esitare, reprehensiones publicæ tum assidue tum acerbæ; victus, vestis, & habitatio qualia maxime pauperum, cumque anno 156. tyrocinio daretur principium colligendis tyronibus cubiculum defuit. Ex iis qui studia obibant quatuor, & tirones, alternis vicibus in nosocomio insanabilium quod hebdomadis ministrabant, & præter abiectionem sui miram, tam crudas de se captabant victorias, ut obedientiae egerent fræno, ne extra linea serumperent. Quidam ad publicum lanacrum pannos & fascias ulcerorum saniosas abluebant; ad primos nauium prospectus aduentantium ex Lusitania quotquot domi erant adiuolabant Rectori ad genua, & partem sibi quisque in ægrotorum famulatu depositabant quos longinquæ huiusmodi & calamitosæ navigationes ad trecentos, interdum quadringentos solent inuochere. Horum

rum curam gesturos Rector delectu habito in nosocomium publicum mittebat. Et quandoque per ea tempora pridie Calendas Septemb. acciuit ad se sub lectum diei Gonzalus Sylueira, quæ Sacerdotes, quæ scholasticos, quæ titones, duodecim; iussitque confessionem sacram illa ipsa nocte ut obirent, redirent vero ad se postridie ad capessenda læti quæcumque in Dei obsequium mandarer: illuxerat, seque illi pariter omnes sistunt, ad nutum Obedientiae quamlibet tenuem idcirco alacres, quod tacite apud se diuinarent se meriti grandis insignem aliquam, & domandi sui in occasionem fuisse lepositos. Dicuntur ab illo in publicam ægrotorum domum, tradunturque illius administris ut eorum opera veterentur in ægrotorum leuamen qui essent post dies aliquot ex Lusitania cum fœderatis nauibus venturi: celebratur iis ab eodem sacrum, & porrigitur diuinissima hostia. Inde in cubicula inducuntur ægrotis apparata velut in possessionem commissi munera, & sua cuique curanda tribuuntur, post quæ pergit cum iis in desertam & pauperem casam eorum habitationi assignatam, vbi eos vir sanctus quo pollebat diuini spiritus ardore vehementer hortatur illam abiiciendi sui, & caritatis egregiæ pælastram aggrediantur ingentibus animis; metitur illis horarum spatia quæ in precationem quiete & ministeria iacentium ab iis diuidi oportet; deinceps inter mutuos complexus & pias lachrimas valedicens abscedit. En autem post biduum, gaulorum agmen sociorum prospero cursu functum, plenis velis ex alto in portum inuehi, nostrique mox cum nosocomij curatoribus, accurrere, scapharum numerum parare, & vbi naues constiterant ex iis ægrotos in scaphas deponere, refectosque interim paululum variis salgamis & dulciariis, quæ magna copia tulerant, tandem in terram subducere. Erant ultra ducentos & quidem nonnulli adeo prostrati ut insisteret pedibus non valerent, quos ab iis in humeros ad nosocomium deferri oportuit ferulis, alios sellis aliquos gestatoriis eodem comportari. Congregatis deinde per sex horas ad primam usque post medianam noctem, pedes aqua odorata, & aromaticis herbis detergunt & abluiunt, suo quemque lectulo componunt, & mensis viii ministrum strenuum, & alacre in eos inchoant, haud quidem semper iidem perpetuum, sed mutatis necessario vicibus, quod essent alij iis substituendi quos diu nocte continuatus labor lecto affigebat. Horis enim duabus post medianam noctem, exiliebant somno ad sua munera quorum vili deesse cum nollent, diei ad illa breuitatem cogebantur horis nocturnis supplere, noui siquidem sub id tempus ex vicinis Goæ præsidiis ad ducentos quos dixi accesserant. Officia porro reficiendis ægrotorum corporibus ab iis exhibita, fuerunt quæcumque comminisci solet tum sui contempnendi æmulatio industria & solers, quæ in vilissimis quibusque triumphat; tum feruens caritas calamitatem alienam doctior sentire quam propriam; suntque hi planè quibus fuit severæ obediendiæ admovendum præceptum ut compellerentur in Collegium redire, cum oppresso laboribus corpore in morbum inciderent, quem alioqui dissimulabant artificiosè, ne miserorum ayulsi obsequio eius merito priuarentur.

tur : nam & ipsi quoque pessimè affecti , sedilitatem valentium, in iuuandis affectis præferebant , ne deprehensi ægrotare prohiberentur eo famulatu , à Sacerdotibus quidem inde à principio confessiones omnium exceptæ ; postrema omnibus morituris administrata Sacra menta ; excubatum eorum saluti , ac ne qua illos necessitas subita, expertes auxilijs occuparet , paucillum id ab lassitudine quietis quod declinari non poterat ad pedes iacentium captatum, cum vero animam efflasset conueniebant simul Patres omnes vt iis pia funebria soluerent , & humo illorum cadauera conderent.

41.

Mira caritatis & mortificationis opera corundem.

Verum generosas nostrorum operas , non publici modo nosocomij religiosa munia & appulsus nauium exercebant; aliud habebant curis suis integrè permisum , in quo nostri de scholis iuuenes, prælectionem quotidianam caritatis & patientiæ, de seniorum exemplo ducebant. De F. Petro Alphonso qui operi præerat , mira quædam narrantur. Exire solitum in urbis vicos , in iis quo cumque reperisset membris captos, erosos ulceribus & lepra , seu alio tentos morbo , vel passim iacentem in publico , vel ex pauperum domibus ad eum deferrentur , propriis sublatos humeris depositissime in nosocomium aut nostrum aut publicum, quod priuata lege, nulloque necessitatibus examine patebat omnibus quos ipse illuc deportasset : illic vero eorum semesa & tabida corpora medicari , & iis obsequiis procurare, quæ vel cerni absque nausea non possent. Lauare à capite ad pedes, tranferre in diuersos lectos ; & materno planè affectu, manuque, purgate ulcerum saniem purulentam , ac vt missa hiant illa magis familiaria , & assidua ministeria quæ istiusmodi cadaueribus semiuiuis continuo adhibentur , durare in iis nullo cuiusquam discrimine , horrore nullo & stomacho , perinde vt sensibus careret , ab ea Mephiti refugis ; gaudere potius eadem animi voluptate, ac si Christo , in misericordiis illis , curationis officia nauaret : certo quidem vel diligentia medicationis exquisitæ , vel caritatis , vt vulgo creditum , seu merito siue miraculo sanavit complures , quos artis peritia censebat extra spem valetudinis reparandæ : multos quoque mente peius quam corpore affectos restituit ; ethnicos , Dei legitimo cultui , pœnitentiæ veræ sceleratos ; hanc à Christianis quos sanabat mercedem exigere solitus , vt sponderent se quām possent plurimos ad Sacrum baptisma perducturos ; instar sit multorum quos lepida illa & industria pactione Christo luctifecit , vel unus ex iis quos vocant Zanadares nobilis Indianus , qui ad liberandam promissi huius fidem , semel ad eum adduxit tredecim salutari lauacro expiandos. Inualuerat Goæ inter primarios barbarum quiddam , certè minimè Christianum , sed nec satis humanum ; ubi quem ex seruis , quorum magnas domi habebant familias, corriperetur inualetudine , quæ non posset nisi sumptu , & tempore depelli , abiiciebant illum in publicum pro cadavere , vel ipsum in littus , omni subsidio , paneque adeo destitutum , & hoc item censetur inter quotidiana decora fratris egregij Alphonsi , inquirebat electos à Dominis ,

&